

The Electronic *Manipulus florum*
www.manipulusflorum.com

Gloria eterna an
cum fontibus primis

O beata regio paradysi!

Quinta regio est paradisus supercaelestis. O beata regio supernarum virtutum, in qua beata Trinitas a beatis facie ad faciem videtur, ubi illa sublimia agmina sublimi pennarum applausu SANCTUS, SANCTUS, SANCTUS DOMINUS DEUS SABAOOTH clamare non cessant! Locus voluptatis, ubi torrente voluptatis potantur iusti; locus splendoris, ubi iusti fulgent sicut splendor firmamenti; locus laetitiae, ubi LAETITIA SEMPITERNA SUPER CAPITA EORUM; locus abundantiae, ubi nihil deest videntibus eum; locus suavitatis, ubi apparet Dominus suavis universis; locus pacis, ubi IN PACE FACTUS ESET LOCUS EIUS; locus admirationis, ubi sunt mirabilia opera eius; locus satietatis, ubi satiabimur cum apparuerit gloria eius; locus visionis, ubi videbitur visio magna.

O beata regio deliciarum ad quam suspiro de ualle lacrimarum, ubi sapiencia sine ignorancia, ubi memoria sine obliuione, ubi intellectus sine errore, ubi racio sine obscuritate fulgebit!

O regio sublimis, plena divitiarum! De valle lacrimarum suspiramus ad te, ubi sapiencia sine ignorantia, memoria sine oblivione, intellectus sine errore, ratio sine obscuritate splendet.

Bernardus Claraeuallensis, *Sermones de diuersis*, 43.7 (SBO 6.1, J. Leclercq, C.H. Talbot, H.M. Rochais eds., p.260, ll.9-20).

Beati qui habitant ibi et laudabunt Deum in secula seculorum amen.

Beati qui habitant in domo tua in saecula saeculorum laudabunt te diapsalma (Psal. 83:5).

Regnum Dei conceditur, promittitur, ostenditur, percipitur. Conceditur in predestinatione, promittitur in uocatione, ostenditur in iustificatione, percipitur in glorificatione.

Regnum Dei conceditur, promittitur, ostenditur, percipitur. Conceditur in praedestinatione, promittitur in uocatione, ostenditur in iustificatione, in glorificatione percipitur.

Bernardus in sermone.

Bernardus Claraeuallensis, *Sermones de diuersis*, 21.1 (SBO 6.1, J. Leclercq, C.H. Talbot, H.M. Rochais eds., p.169, ll.2-4).